



JUN 2024

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reвью filem, puisi, mahupun cerpen.

Demi Pendidikan,

Merdeka!



BIKIN APA?



Medical Outreach Program

MOP adalah program Prihatin Kesihatan yang ditaja penuh oleh Allianz Malaysia dengan kerjasama petugas kesihatan daripada HDOK Sandakan untuk pemeriksaan kesihatan percuma kepada lebih 100 komuniti rentan.



Jelajah Kesatuan Stateless

Jelajah oleh Kesatuan Stateless, Borneo Komrad dan Sekolah Alternatif memperkenalkan Universiti Alternatif kepada Kelab Alumni Cahaya dan Cahaya Society. Dukung dan sokong!



Child Rights Action Hub

Cahaya Society menghadiri acara CRAH anjuran My Voice Project di Kota Kinabalu bagi menambah perspektif dan perkongsian data berkaitan kanak-kanak dan perburuhan di Sabah, Malaysia.



Respon kepada Isu Buruh Kanak-Kanak

Cahaya Society memberi respon tentang isu buruh kanak-kanak di Sabah kepada BenarNews selaras dengan perancangan program Buruh Kanak-Kanak oleh ILO dan UNICEF Malaysia.

W A R T A C A H A Y A



ILO X UNICEF Capacity Building

Cahaya Society menerima jemputan untuk program promoting socio economic inclusion through enhanced access to education for children and training opportunities for young workers on plantations in Sabah.



Perhimpunan #KamiMahuAir

Cahaya Society bersama rakyat Sabah yang terkesan dengan isu air merayakan demokrasi di jalan raya dengan mengikuti perhimpunan aman menuntut transparansi pengurusan air Sabah oleh Ketua Menteri Sabah.



Korban Cahaya 2024

Syukur, kita telah mengorbankan seekor sapi bersama komuniti Teratak Ilmu pada tahun ini. Acara diuruskan sepenuhnya oleh komuniti dan bahagian daging diagihkan kepada semua komuniti.



Talk: Cerita dari Gaza


Kita dikunjungi oleh Sdr Radzi Jamaludin, Team Leader untuk misi bantuan ke Gaza oleh Mercy Malaysia. Beliau berkongsi naratif perjuangan, harapan dan pelajaran yang boleh direnung dari tanah merdeka Gaza kepada komuniti cahaya.

BIKIN APA?



Kunjungan UNICEF Malaysia

Empat hari kunjungan UNICEF Malaysia untuk Program Nutrisi dan kerjasama ke depan bersama Cahaya Society membabitkan lebih 300 kanak-kanak rentan dari lima Pusat Pembelajaran Alternatif di seluruh Sandakan,



Perjumpaan Komuniti Cahaya

Pertemuan antara ibubapa, guru komuniti dan Kelab Alumni Cahaya untuk perbincangan tentang pembangunan dan kemampanan pendidikan alternatif yang telah dijalankan pada tahun ini. Terus utuh dan percaya!



Karnival Komuniti Lestari

Karnival ini dianjurkan bersama oleh Cahaya Society bersama PBT-MPS dan beberapa lagi rakan kerjasama. Selain menjual dan mempamerkan produk komuniti, kita turut menyampaikan idea “Jahi & Selamatkan Bumi” menerusi kelas mengitarsemula fabrik terpakai menjadi produk kreatif komuniti.



ANALISIS DARI BAWAH

Kebun Kecil Sumber Makanan Tambahan Komuniti Pulau Opak

Komuniti Pulau seringkali tertumpu pada aktiviti berasaskan laut, mewarisi pekerjaan leluhur mereka sebagai pahlawan yang gagah dilaut, menangkap ikan, merentasi lautan dan membina perahu-perahu tahan pukul ombak di musim-musim tertentu. Pantai Timur Sabah yang terkenal dengan tradisi komuniti pesisir pantai tidak menjadi hal yang asing jika banyak komuniti membina peradaban di Pulau-pulau jauh daripada pusat Kemajuan bandar.

Namun, siapa sangka komuniti yang terkenal dengan ilmu kelautan juga mula berjinak-jinak dalam ilmu agraria iaitu bercucuk tanam dikawasan yang terhad di Sebuah Pulau. Kedatangan Pasukan Advokasi di Pulau Opak kecil (Sebuah pulau terletak di Sandakan) melihat kegiatan komuniti tersebut membuka kebun-kebun kecil sebagai sumber makanan tambahan untuk komuniti dalam kelangsungan hidup harian mereka.

Komuniti banyak mengusahakan penanaman jangka pendek seperti ubi kayu, pisang, lada, nanas dan sayur-sayur pucuk. Perkara ini adalah sesuatu yang menarik. Komuniti mampu membantu secara mandiri untuk mengkomsumsi makanan seimbang yang terdiri daripada Protein (Hasil laut), Sayur dan buah (Serat dan Vitamin) dan ubi kayu (Karbohidrat). Perkara ini mampu untuk dikembangkan agar keseimbangan Nutrisi komuniti pulau mampu terjaga dengan baik. Serta paling utamanya kesedaran ini datang daripada komuniti itu sendiri.

Oleh: **Randy Kevin**



(...)

Mitigasi

Berikut merupakan dapatan mitigasi yang boleh dilaksanakan di kawasan Pulau

- **Bengkel Penanaman** - Bengkel membantu meningkatkan kefahaman Komuniti pulau berkenaan bagaimana menghasilkan bekalan makanan secara cukup khususnya darisegi kebutuhan serat dan karbohidrat dalam makanan harian. Menerusi bengkel penanaman juga komuniti mahir dalam menguruskan, menghasilkan dan menyimpan hasil tanaman dalam jangka waktu yang panjang.
- **Pengurusan Nutrisi Berkala** - Nutrisi yang cukup meningkatkan kadar metabolisme komuniti untuk tidak mudah dijangkiti sebarang penyakit. Komuniti juga mampu menyedari sebarang kesan kesihatan kepada kehidupan harian mereka. Pengurusan Nutrisi yang boleh dijalankan adalah seperti pemeriksaan berkala komuniti pulau, pengurusan pemakanan dan pengendalian masalah kesihatan atau rawatan bantu mula.



BULAN DEPAN, BIKIN APA?

Majlis Graduasi Cahaya

MGC adalah perayaan pendidikan yang kedua oleh Cahaya Society untuk anak-anak yang telah melewati asas pendidikan alternatif dan literasi numerasi di Pusat Pembelajaran Alternatif.

Projek Bangsa Manusia

Projek mengarkibkan cerita anak-anak tanpa negara oleh Kelab Alumini Cahaya dengan kerjasama Cahaya Society.

Medical Outreach Program

Siri kedua program tajaan penuh Allianz Malaysia dengan kerjasama Malaysia Relief Agency.

CAHAYA SOCIETY

MENJAHIT KAMI, MENEMPAH KAMU!

Servis disediakan oleh komuniti!

Tawaran kepada syarikat, korporat, pembekal & individu!

+6011 1886 1758

SERVIS JAHITAN KAMI:

- Baju Lelaki/Perempuan
- Totebag/Uncang
- Blouse/Baju Kurung
- Tudung/Inner
- Jubah/Kurta
- Langsir/Kraf

cahayasociety.org

GARAJ CAHAYA

TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

🌐 cahayasociety.org
✉ cahayasociety@gmail.com
☎ 089 666 915